



毛詩周韻誦法卷九

歙江灼漁村編

大雅

蕩蕩上帝下民之辟疾威上帝其命多辟天生烝民  
其命匪諶音戎靡不有初鮮克有終

二帝二辟去入為韻齊微嘻脣收噫也諶終諶

依叶音東鍾舌中收吳也顧氏炎武謂侵與東

協此章之諶終七月章之冲陰雲漢章之宗臨

蓋出於方音然則篤公劉章食之飲之君之宗

之飲宗二字亦當入侵東為方音以平上韻也

而何以云無韻耶其說亦自矛盾與西河毛氏



東冬侵覃通轉之論皆不足據從集傳叶音為是

文王曰咨咨女殷商曾是在服曾是在疆禦曾是在陪克曾是在位蒲北反天降滔德女與是力

咨商合下六章咨商字七疊成韻為起調之音咨支思露齒無收也商江陽張口收孺也克位

服服依古音灰回嘜口收噫也德力龍齊微以去入通二韻

文王曰咨咨女殷商而秉義類疆禦多懟流言以對寇攘式內侯作侯祝二聲靡屈靡

類懟對內韻灰回祝究尤侯出喉收鳴也

文王曰咨咨女殷商女魚然于中國飲怨以為德不明爾德時無背無側爾德不明以無陪無卿

國與二德韻灰回側皆來捲口也以收意通二韻不煩改側為蓄入聲明卿庚青出鼻入鼻也

古讀為芒羌韻歸江陽文王曰咨咨女殷商天不洹爾以酒不義從式如字

既愆爾止靡明靡晦如字式號式呼平去二聲俾晝作夜音豫

式韻齊微止韻又思晦韻灰回以上去入通三



韻呼呼模收鳴也夜依古音居魚收于也以嘍

口通二韻

文王曰咨咨女殷商如蝸如蟻如沸如羹音岡小大

近去聲人尙乎由行音杭內異于中國覃及鬼方

蟻行方羹行依古音以平去韻江陽亦可

以羹行讀本音歸庚青為隔句韻顧氏謂此章

商字不期而自合陽韻則咨字不期而遇於支

齊灰三韻者八章有其七詩人隨吟觸合初不

計韻也

文王曰咨咨女殷商平聲上帝不時平聲殷不用舊音

忌雖無老成人尙有典刑曾是莫聽大命以傾

時韻支思舊依古音韻齊微以平去通二韻刑

聽傾韻庚青不必牽合人字使真庚相混

文王曰咨咨女殷商人亦有言顛沛之揭音器枝葉

未有害曷通本實先撥如字殷鑒不遠在夏后之世

揭與世遙韻齊微害撥歌戈嘍口收窩也不煩

改音害為胡折反撥世為斃設以就一揭字

蕩八章五十六韻

抑抑威儀維德之隅人亦有言靡哲不愚庶人之愚

亦職維疾入聲哲人之愚亦維斯戾

術武公為平王  
仰士刺王宮以  
自戒也



隅與三愚居魚嘬口收于也疾戾去入為韻齊  
微喜唇收噫也

無競維人四方其訓之有覺德行四國順之訐謏定

命遠猶辰告不入韻敬慎威儀維民之則

人訓順平去為韻真文平口抵腭也行與命叶

庚青出鼻入鼻也儀韻齊微則灰回嘬口也以

收噫通平入為一韻告字不入韻省叶音也

其在于今不入韻興迷亂于政去聲不叶顛覆厥德荒湛于

酒如字女雖湛樂從弗念厥紹罔敷求先王克其明

刑如字

政刑以平去首尾韻庚青酒尤侯出喉也紹蕭

豪開口也以收鳴通二韻可省酒紹兩叶音不

煩改叶紹為受以就酒字今字不入韻不必以

閉口叶音經

肆皇天弗向平去二聲如彼泉流今本作流泉無淪胥以亾夙

興夜寐洒掃庭內維民之章修爾車馬弓矢戎兵音

用戒戎作用邊蠻方

向亾遙與章兵方叶兵依古音江陽張口收孺

也寐內韻灰回

質爾人民謹爾侯度用戒不虞平聲不叶慎爾出話敬爾



威儀如字無不柔嘉音歌白圭之玷尚可磨也斯言

之玷不可為如字也

度呼模收鳴也虞韻居魚以嘜口通平去為一

韻儀與為叶韻齊灰嘉與磨叶嘉依叶音歌戈

嘜口收窩也古讀儀為日俄譌同韻歌戈二玷

字自為韻廉纖閉口先天也

無易由言無曰苟矣莫捫朕舌不入言不可逝如字

矣無言不讎平聲不叶無德不報如字惠于朋友音以庶

民小子如字子孫繩繩萬民靡不承

苟與讎報隔叶苟讎韻尤侯報韻蕭豪以收鳴

通平上去為一韻逝與友子隔叶友依古音並

逝字韻齊微子韻支思以上去迺二韻繩承韻

庚青起四句用兩韻中四句分叶成音末二句

另韻作結不得謂首二句無韻亦不必謂首三

句起韻管人誤以舌字入韻雖多用叶音而章

法錯亂如棼絲不可理矣

視爾友君子輯柔爾顏音言不遐有愆相在爾室尙

不愧于屋漏無日不顯莫予云觀神之格不入思不

可度思矧可射音豫思

顏愆顏依叶音先天舌尖收兒也漏觀韻尤侯



度韻呼模射依轉音韻居魚以嘜口通二韻古  
讀漏靚為路故同韻呼模格字不入韻省叶音  
也

辟爾為德俾臧俾嘉不入韻淑慎爾止不愆于儀如字

不僭不賊鮮不為則投我以桃報之以李彼童而角

實虹小子如字

德賊則韻灰回止子韻支思儀李韻齊微以平

上入通三韻集傳叶嘉儀為歌俄韻歸歌戈

荏染柔木言緝之絲溫溫恭人維德之基其維哲人

告之話言音銀順德之行不入韻其維愚人覆謂我僭

如字  
民各有心

絲韻支思基韻齊微通為一韻二人與言叶言

依叶音韻真文僭韻廉纖心韻侵尋以閉口通

平去為一韻可省僭字叶音

於乎小子如字未知臧否音彼匪手攜之言示之事

去聲不叶匪面命之言提其耳指漢書借曰未知亦既抱子民之

靡盈誰夙知而莫成

二子二之與事耳韻支思否知韻齊微以平上

去通二韻盈成韻庚青

昊天孔昭平聲我生靡樂視爾夢夢我心慘慘當作



誨爾諄諄聽我藐藐匪用為教去聲不叶覆用為虐借曰  
未知亦聿既老去聲不叶

昭樂燥藐教虐老以平上去入韻蕭豪

於乎小子如字告爾舊止聽用我謀庶無大悔上去二聲

天方艱難曰喪厥國如字取譬不遠昊天不忒回適

其德俾民大棘

止子韻支思悔國忒韻灰回德棘韻齊微以上

入通三韻

抑十二章八十四韻

苑彼桑柔其下侯甸捋采其劉瘼此下民不殄心憂

二字古文

倉兄音塵兮俾彼昊天不入韻寧不我矜集傳無音切故从古

音居 銀反

柔與劉憂隔叶尤侯出喉收鳴也甸民填矜填

矜依古音真文平口抵腭也天字不入韻省叶

音也

四牡騤騤旟旐有翩音繽亂生不夷靡國不泯平上二聲

民靡有黎具禍以燼去聲不叶於乎有哀如字國步斯頽

騤與夷黎哀隔叶騤灰回喉口也夷黎齊微嘻

脣也哀皆來捨口也以收噫通三韻翩泯燼頽

翩依叶音以平去韻真文



國步蔑資天不我將平聲不叶靡所止疑云徂何往君子

實維秉心無競如字誰生厲階如字至今為梗如字

資與疑維階隔叶資支思露齒無收也疑維韻

齊微階韻皆來通為一韻將往平上為韻江陽

張口收孺也競梗上去為韻庚青出鼻入鼻也

古讀競為其亮反梗為古盜反同韻江陽

憂心慙慙念我土宇我生不辰逢天曹怒上去二聲自西

徂東不入韻靡所定處多我覲瘠孔棘我圉

慙與辰瘠韻真文字處圍居魚收于也怒呼模

收鳴也以喂口通二韻按東真不可通若叶音

丁混入庚青尤不可與真韻協故東字不入韻

與首章天字不入韻同不必以一句一韻泥之

或謂當作自東徂西以西為思禮反不免改經

變音之病

為謀為慙去聲不叶亂況斯削告爾憂慙誨爾序爵誰能

執熱如例反逝不以濯其何能淑載胥及溺尼叶反

慙與熱遙韻齊微削與爵濯溺叶溺依俗音蕭

豪開口收鳴也慙與淑遙韻居魚不煩多用轉

音以失木字或曰兩句一韻刪去慙慙熱淑四

韻專用蕭豪亦是直捷讀法

毛詩周韻補法

卷九



如彼遡風不入韻亦孔之俊不入韻民有肅心不入韻莽云不逮

好是稼穡力民代食稼穡維寶代食維好

**俊**逮韻皆來**穡**食韻齊微穡字不必叶篩上聲

廣韻收二十四職音所力反韻皆收噫可分可

合**寶**好韻蕭豪風心二字不入韻可省叶音可

破東侵通轉之說

天降喪亂滅我立王降此蠱賊稼穡卒痊哀恫中國

具贅卒荒靡有旅力以念穹蒼

**王**與痒荒蒼韻江陽賊國韻灰回力韻齊微以

收噫通二韻

維此惠君民人所瞻音章秉心宣猶考慎其相去聲不叶

維彼不順自獨俾臧自有肺腸俾民卒狂

**瞻**相臧腸狂瞻依叶音以平去韻江陽顧氏謂

首二句無韻蓋不从瞻字叶音亦不信江陽侵

覃通轉之說或云瞻當作彰雖改經字亦近理

瞻彼中林**牲**牲其鹿朋友已**譖**簪去聲不胥以穀人亦

有言進退維谷

**林**與譖隔叶平去為韻侵尋閉口真支也**鹿**穀

**谷**韻呼模亦可兼韻尤侯

維此醒人瞻言百里維此愚人覆狂以喜匪言不能



胡斯畏忌去聲不叶

二人字自韻真文里喜忌以上去韻齊微能字

可不入韻不煩改音奴其反

維此良人弗求弗迪音獨維此忍心是願是復民之

貪亂寧為荼毒

迪復毒迪依叶音韻呼模亦可兼韻尤侯顧氏

轉音迪為徒弔反復為扶究反毒為徒到反通

豪尤兩韻凡轉音一字可也通章用轉失之已

甚且轉何異於叶集傳叶一迪字猶存復毒二

本音今避叶言轉本音全抹其書以詩本音名

何自倍乃爾耶

大風有隧有空大谷維此良人作為式穀維彼不順

征以中垢音古

谷穀垢垢依古音以上入韻呼模亦可讀垢字

本音竝谷穀二字韻尤侯

大風有隧貪人敗類聽言則對誦言如醉匪用其良

覆俾我悖如字

隧類對醉悖韻灰回

嗟爾朋友予豈不知而作租去聲如彼飛蟲時亦弋獲

如字既之陰女反予來赫如字



**作與女**隔叶作韻呼模女韻居魚以上去通二

韻獲赫廣韻赫見二十陌宜韻皆來按作本入

聲字集傳泥其一音故以獲赫同叶蕭豪今改

租去聲與女字為魚韻獲赫自為皆韻不煩用

叶而本字之音兩相和協亦不必改音獲赫為

胡呼二入聲以湊合作字或讀作為佐誤入歌

戈其聲必不能與女諧口吻之難一如此

民之罔極職涼善背如字為民不利如云不克民之

回適職競用力

**極利力**韻齊微背克韻灰回以去入通二韻

民之未戾職盜為寇苦故涼石經曰不可覆背善言

雖曰匪予平上二聲既作爾歌

**戾與言**叶韻齊微寇與予叶寇依古音韻呼模

予韻居魚以平去通二韻可與歌叶平上為韻

歌戈喙口收窩也與上為謀為愆章隔句分韻

同體集傳叶韻未詳或不得已作三句一韻非

讀顧氏之書不能通此章之韻其明眼在審定

一寇字古音而諸韻皆得矣

桑柔十六章九十二韻

倬彼雲漢昭回于天鐵因王曰於乎何辜今之入天



降喪亂饑謹薦臻靡神不舉靡愛斯牲如字圭璧既卒寧莫我聽

天人臻天依叶音真文平口抵腭也牲聽庚青出鼻入鼻也截然兩韻不煩強混為一

早既大甚蘊隆蟲蟲不矜禋祀自郊徂宮上下奠瘞靡神不宗后稷不克上帝不臨音隆耗斃下土寧丁

我躬

蟲宮宗臨躬臨依叶音東鍾舌中收吳也按皇矣篇臨衝韓詩作隆衝則此章臨字讀為隆亦可不須用叶不必從東侵合韻如烝民末章風

心相叶之例

早既大甚則不可推兢兢業業如霆如雷周餘黎民靡有孑遺如字昊天上帝則不我遺胡不相畏先祖于摧

推雷畏摧灰回噉口也遺齊微嘻唇也以收噫通平去為一韻

早既大甚則不可沮赫赫炎炎云我無所大命近止靡瞻靡顧去聲羣公先正則不我助去聲父母先祖

胡寧忍予平上

沮予居魚收于也所顧助祖呼模收鳴也以噉



口通上去為一韻

早既大甚滌滌山川音春旱魃為虐如惓如焚如字

我心憚暑憂心如熏羣公先正則不我聞如字昊天

上帝寧俾我遯去聲不叶

川焚熏聞遯川依叶音以平去韻真文

早既大甚黽勉畏去胡寧瘖我以旱憯不知其故祈

年孔夙方社不莫昊天上帝則不我虞平聲不叶敬恭明

神宜無悔怒上去二聲

去虞韻居魚故莫怒韻呼模以嘍口通平去為

一韻

早既大甚散無友紀鞠哉庶正疾哉豕宰如字趣馬

師氏膳夫左右音以靡人不周無不能止瞻印昊天

云如何里

紀右里右依古音韻齊微宰皆來擗口收噫也

氏止支思露齒無收也通為一韻可省宰字叶

音

瞻印昊天有嘒其星大夫君子昭假無贏大命近止

無棄爾成何求為我以戾庶正平去二聲瞻印昊天曷惠

其寧

星贏成正寧韻庚青



三言片音譜法 卷九  
雲漢八章四十三韻

崧高維嶽駿極于天如字維嶽降神生甫及申維申

及甫維周之翰如字平四國于蕃如字四方于宣去二聲

天宣首尾遙韻先天舌尖收兒也神申真文平

口抵腭也翰蕃寒山出喉抵舌也詩分三韻不

必叶翰蕃入先天又叶天字入真文作兩韻讀

暨暨申伯王纘之事于邑于謝南國是式入聲王命

名伯如字定申伯之宅如字登是南邦音洪世執其

功如字事支思露齒無收也式齊微喜唇收噫也以去

入通二韻伯宅皆來摭口收噫也不必叶入蕭

豪更不煩改音補徒兩入聲歸魚部邦功邦依

古音東鍾舌中收吳也

王命名伯式是南邦見上因是謝人以作爾庸王命

名伯徽申伯土田音陳王命傅御遷其私人

邦庸邦依古音韻東鍾田人田依叶音韻真文

申伯之功名伯是營有俶其城寢廟既成既成藐藐

王錫申伯不入韻四牡躑躑鈞膺濯濯

營城成庚青出鼻入鼻也藐躑濯蕭豪開口收

鳴也伯字不入韻省叶音也

毛詩同音韻法 卷九



王遣申伯路車乘馬音姥我圖爾居莫如南土錫爾

介圭以作爾寶如字往近王舅南土是保如字

馬土馬依古音呼模收鳴也居居魚收于也以

嘷口通平上為一韻寶保韻蕭豪詩分兩韻不

必叶寶保為補入呼模更不煩改音捺入幽部

申伯信邁王餞于郟申伯還南謝于誠歸王命名伯

徹申伯土疆以峙其糗式遄其行音杭

郟歸灰回嘷口收噫也疆糗行行依古音江陽

張口收攝也

申伯番番如字既入于謝徒御嘽嘽周邦咸喜戎有

良翰如字平不顯申伯王之元舅文武是憲如字

去二聲番嘽翰韻寒山憲韻先天以古寒先同用通平

去為一韻不必因一憲字無叶音以去作平并

諸字改從先韻

申伯之德柔惠且直揉此萬邦聞于四國如字吉甫

作誦其詩孔碩其風肆好以贈申伯

德國韻灰回直碩韻齊微伯韻皆來以收噫通

三韻

崧高八章四十一韻

天生烝民有物有則民之秉彝好是懿德天監有周



昭假于下音戶保茲天子生仲山甫

**則德**灰回噉口也**彝齊**微嘻唇也其收皆噉子支思露齒無收也以平上入通三韻下甫下依古音呼模噉口收嗚也或作兩句一韻讀彝子二字可不入韻

仲山甫之**德**柔嘉維**則**令儀令色**小**心翼翼古訓是

**式**威儀是**力**天子是**若**如去聲明命使賦

**德**則韻灰回色皆來捲口也**翼**式力韻齊微以收噉通三韻廣韻色字見二十四職若賦若依轉音居魚收于也賦韻呼模以噉口通二韻集

傳叶韻若賦未詳顧氏用一轉音即自然和協但不可一章中三四連用

王命仲山甫式是百辟纘戎祖考王躬是保出納王命王之噉舌賦政于外四方爰發如字

**考**保蕭豪開口收嗚也**舌**車遮半開遏舌也**發**家麻張牙直音也通為一韻可省發字叶音或

曰首二句無韻當以首三句起韻為是

肅肅王命仲山甫將之邦國若否仲山甫明音芒之

既明且哲以保其身夙夜匪解以事一人

將明明依古音江陽張口收孺也身人真文平



口抵腭也

人亦有言柔則茹上去之剛則吐上去之維仲山甫

柔亦不茹剛亦不吐不吐不畏矜寡不入不畏疆禦

一茹與禦韻居魚二吐與甫韻呼模寡字不入

韻省古音也

人亦有言德輶如毛民鮮克舉之我儀圖平聲之維

仲山甫舉之愛莫助去聲之衮職有闕維仲山甫補

之

一舉韻居魚圖助補韻呼模以平上去通二韻

仲山甫出祖四牡業業征夫捷捷每懷靡及極業四

牡彭彭音旁八鸞鏘鏘王命仲山甫城彼東方

業捷及及依叶音韻車遶彭鏘方彭依古音韻

江陽

四牡騤騤八鸞喈喈如字仲山甫徂齊式遄其歸吉

甫作誦穆如清風孚金反仲山甫永懷以慰其心

騤與齊歸叶騤歸韻灰回齊韻齊微喈與懷隔

韻皆來以收噫通三韻風心風依叶音侵尋閉

口真文也不必泥東侵通轉

烝民八章四十六韻

奕奕梁山維禹甸音盛之有倬其道韓侯受命王親



命之續我祖考無廢朕命夙夜匪解如字虔共爾位

朕命不易去入聲榦不庭方以佐戎辟

甸與三命隔叶甸依借音庚青出鼻入鼻也道

與考叶蕭豪開口收鳴也解皆來捲口也位灰

回噉口也易辟齊微嘻唇也以收噉通去入為

一韻可省解字叶音按周禮四甸為縣註甸之

言乘也讀如左傳良夫乘衷甸之甸釋文音繩

證反借其音與命協非取義也

四牡奕奕孔修且張韓侯入覲以其介圭入覲于王

王錫韓侯淑旂綏章簞茀鎔衡音杭元袞赤舄鉤膺

鏤錫鞞鞞淺幟條革金厄如字

奕與圭叶又遙與易幟厄叶奕易幟韻齊微圭

韻灰回厄皆來捲口也以收噉通三韻可省厄

字叶音張王章衡錫衡依古音江陽張口收孺

也

韓侯出祖出宿于屠顯父餞之清酒百壺其殽維何

魚鼈鮮魚其藪維何維筍及蒲其贈維何乘馬路車

籩豆有且侯氏燕胥

祖屠壺蒲呼模收鳴也魚車且胥居魚收于也

以平上通二韻三何字自為韻歌戈收窩也其



出皆撮口

韓侯取妻汾王之甥蹶父之子如字韓侯迎止于蹶

之里百兩彭彭音旁八鸞鏘鏘不顯其光諸娣從之

祁祁如雲韓侯顧之爛其盈門

妻里韻齊微子止遙與二之叶文思露齒無收

也以平上通二韻彭鏘光彭依古音韻江陽雲

門真文平口抵腭也或舍妻字不韻而以三句

起韻非

蹶父孔武靡國不到為韓姑相攸莫如韓樂去入孔

樂韓土川澤訏訏魴鱖甫甫鹿嘯嘯有熊有羆有

貓有虎慶既令居韓姑燕譽平去

武與土甫虎遙韻呼模訏嘯居譽韻居魚以平

上通二韻到樂韻蕭豪

溥彼韓城燕師所完以先祖受命因時百蠻王錫韓

侯其追其貊奄有北國因以其伯實墉實壑不入實

畝實籜獻其貔皮赤豹黃羆

完桓歡吐丸也蠻寒山出喉也以抵舌通二韻

貊伯韻皆來籜皮羆以平入韻齊微其收皆噫

可分可合古讀皮為婆羆為波韻歸歌戈

韓奕六章五十九韻



江漢浮浮武夫滔滔如字匪安匪游淮夷來求既出

我軍既設我旟匪安匪舒淮夷來鋪

浮游求尤侯出喉也滔蕭豪開口也以收鳴通

二韻可省滔字叶音車旟舒居魚收于也鋪呼

模收鳴也以撮口通二韻

江漢湯湯武夫泯泯經營四方告成于王四方既平

王國庶定去聲時靡有爭如字王心載寧

湯泯方王江陽張口收孺也平定爭寧平去為

韻庚青出鼻入鼻也

江漢之漘王命召虎式辟四方徹我疆土匪疚匪棘

王國來極于疆于理至于南海如字

漘虎土韻呼模棘極理齊微嘻脣也海皆來捲

口也以收噫通上入為一韻可省海字叶音

王命召虎來旬來宣文武受命召公維翰胡連反無日

予小子如字召公是似如字肇敏戎公用錫爾祉

宣翰翰依叶音先天舌尖收兒也子似祉支思

露齒無收也

釐爾圭瓚秬鬯一卣告于文人錫山土田如字于周

受命彌吝反若叶自召祖命虎拜稽首天子萬年如字

字



三言月音言法卷九  
三  
[齒]與[首]叶韻尤侯入與二命叶命依轉音真支  
平口抵腭也[田]與[年]叶韻先天起用三韻下分  
應之亦遙隔體也集傳叶田年入真韻而以[齒]  
字無真韻叶音故曰無韻未詳或以爲首三句  
起韻皆非

虎拜稽首對揚王休

平聲不叶

作召公考

如字

天子萬壽

上去二聲明明天子

如字

令聞不已矢其文德洽此四國

如字

首休壽韻尤侯考韻蕭豪以平上通二韻子韻  
支思已韻齊微德國灰回嘷口收噫也以上入

通三韻

江漢六章四十二韻

赫赫明明王命卿士

如字

南仲太祖大師皇父整我

六師以修我戎

音汝

既敬既戒

如字

惠此南國

如字

[士]與[師]以平上隔韻支思露齒無收也[祖父]呼

模收鳴也[戎]依古音居魚收于也以嘷口通二

韻或疑戎當作武既有汝音何必改經字[戒]皆

來捲口也[國]灰回嘷口也以收噫通二韻可省

戒字叶音

王謂尹氏命程伯父左右陳行戒我師旅率彼淮



浦省此徐土不畱不處三事就緒

父浦土韻呼模旅處緒韻居魚

赫赫業業音虐有嚴天子王舒保作匪紹匪游徐方

繹騷如字震驚徐方如雷如霆徐方震驚

業作騷業依叶音蕭豪開口也游尤侯出喉也

以收嗚通平入為一韻霆驚庚青出鼻入鼻也

王奮厥武如震如怒上去二聲進厥虎臣闞如虓虎鋪敦

淮瀆仍執醜虜截彼淮浦王師之所

武怒虎虜浦所韻呼模臣瀆真文平口抵腭也

王旅嘽嘽如飛如翰平去二聲如江如漢如山之苞如字

如川之流緜緜翼翼不測不克濯征徐國

嘽翰漢平去為韻寒山出喉抵舌也苞韻蕭豪

流韻尤侯以收嗚通二韻可省苞字叶音翼齊

微嘻唇也克國韻灰回以收噫通二韻

王猶允塞音賽徐方既來如字徐方既同天子之功

四方既平徐方來庭徐方不回王曰還歸

塞來塞依借音平去為韻皆來捲口收噫也同

功東鍾舌中收吳也平庭韻庚青回歸韻灰回

按塞字是充塞之塞悉則反當入齊微今借音

邊塞之塞與來叶可省叶音即入齊微其收噫



亦自與皆來通轉

常武六章四十二韻

瞻卬昊天則不我惠孔填不寧降此大厲邦靡有定

士民其瘵如字蠹賊蠹疾靡有夷屆如字罪罟不收

靡有夷瘳

惠灰回噉口也厲疾齊微嘻唇也瘵屆皆來搭

口也以收噉通去入為一韻寧定平去為韻庚

青出鼻入鼻也收瘳尤侯出喉收鳴也

人有土田音陳女反有之人有民人女反奪之此宜

無罪女反收之彼宜有罪女反說音脫之

田人田依叶音真文平口抵腭也有收以平上

遙韻尤侯奪與說叶歌戈噉口收窩也二罪字

可韻不韻

哲夫成城哲婦傾城懿厥哲婦為梟為鴟婦有長舌

維厲之階如字亂匪降自天鐵因生此婦人匪教匪

誨如字時維婦寺

二城自韻庚青鴟寺支思露齒無收也階韻皆

來誨韻灰回以去入通三韻可省階字叶音天

人天依叶音韻真文

鞠人忮忒譖始竟背如字豈日不極伊胡為慝如賈



三倍上去聲君子是識婦無公事休其蠶織

忒背慝倍韻灰回極識織韻齊微事韻支思以

上去入通三韻

天何以刺何神不富方二反舍爾介狄維予胥忌不弔

不祥威儀不類人之云亾邦國殄瘁

刺富富依古音韻支思狄忌韻齊微類瘁韻灰

回以去入通三韻祥亾江陽張口收孺也

天之降罔維其優矣人之云亾心之憂矣天之降罔

維其幾矣人之云亾心之悲矣

二罔二亾以平上韻江陽優憂韻尤侯幾韻齊

微悲韻灰回以收噫通二韻

擗涕檻泉維其濙矣心之憂矣寧自今矣不自我先

不自我後如字藐藐昊天無不克鞶音古無忝皇祖

式救爾後同上

泉與天先隔叶先天舌尖收兒也濙今侵尋閉

口眞支也憂與二後以平上遙韻尤侯鞶祖鞶

依叶音呼模嘖口收嗚也古讀後爲戶與祖叶

鞶字不入韻

瞻卬七章五十七韻

旻天疾威天篤降喪去聲瘖我饑饉民卒流亾我居



三言片韻詩法 卷九  
圍卒荒

○音洪 叅亾荒平去為韻江陽張口收孺也

天降罪罟音洪蠹賊內訏昏椽靡其潰潰回適實靖夷我

訏其邦邦依古音東鍾舌中收也

皋皋訛訛曾不知其玷兢兢業業孔瑱不寧我位孔

貶

玷貶廉纖閉口先天也

如彼歲旱草不潰茂如彼棲苴我相此邦無不潰止

此章無韻或以茂歸尤侯苴歸家麻止歸支思

愴况

從毛氏三韻互叶或叶茂為滿以反與止協為之幽通韻皆不足據

維管之富不如時維今之疾不如茲彼疏斯稗胡不

自替職兄斯引

時茲支思露齒無收也稗皆來摻口也替齊微

嘻脣也其收皆噫古劣首二句為四言三言故

音富為方二反疾為几同韻支齊今作七言讀

可省富疾兩古音即分四言三言富疾可不用

叶末句非無韻也以下章職兄斯宏不裁我躬

例之疑脫句失韻



池之竭矣不云自頻泉之竭矣不云自中如字溥斯  
害矣職兄斯宏不裁我躬

二竭字自為韻車遮半開過舌也中宏躬韻東  
鍾集傳叶中韻頻以東真未可通轉但叶諸仍

反混入庚青劉貢父謂關中讀中為蒸周德清  
雜宏入東韻東庚本相通轉且中躬自相叶宏

字可不入韻以溥斯害矣三句作一韻讀可也  
或以頻字與上章引字為韻未免強為牽合

關雖正義引多三字○反所云與上句字協  
皆先王受命彌吝有如召公曰辟國百里今也日蹙  
國百里於乎哀哉維今之人不尚有舊音息

命依轉音與人遙叶真文平口抵勝也二里與

哉舊叶哉韻皆來舊依古音竝里字韻齊微以  
收噫通平上去為一韻

召旻七章六章二十三韻一章無韻  
蕩之什十一篇九十二章五百八十五韻



毛詩周韻誦法卷十

歛汪灼漁村編

周頌

集傳周頌多不叶韻疑自有和聲相叶管賢或  
 曰多若韻若不韻或曰一句自成一章即左傳  
 所引武詩其卒章曰者定爾功以為證予曰此  
 一句一韻體也凡廟中歌詩以合樂必非一人  
 二人雖未能定以人數然即禮記一倡三歎之  
 語推之則有四人矣其始一人倡首一句三人  
 次第隨聲和此一句俟四人倡畢復起第二句  
 挨遍之至篇終而止所以每句字尾音長合四



人之聲而成四韻矣此予之初論也今細審詩  
辭章章有韻無韻者祇殷一章可云一句二韻  
其他我其夙夜畏天之威于時保之三句以保  
明其身一句續古之人一句而已以數千年不  
傳之秘一旦發於數千年後善會詩旨之人故  
筆之以待世之知韻者

於穆清廟肅雝顯相濟濟多士秉文之德對越在天  
鐵因駿奔在廟不顯不承知鄰無射於人斯反

二廟遙韻蕭豪開口收鳴也士支思露齒無收  
也德齊微嘻唇收噫也以上入通二韻天承人

天依叶音承依轉音真支平口抵腭也斯雖與  
士同韻究屬語助當以人字協真韻

清廟一章七韻

維天之命彌名於穆不已於乎不顯文王之德之純  
假以溢我我其收之駿惠我文王曾孫篤之

命純平去爲韻命依轉音真支平口抵腭也收  
尤侯出喉也篤呼模嘷口也可以借收鳴通平  
入爲一韻且古虞尤合用亦有以篤字入幽部  
者

維天之命一章四韻



與古韻同韻不必  
改類以成  
奏家舞之以此  
蔡邕

維清緝熙文王之典肇禋讀若迄用有成維周之禎

典禋平上為韻禋依徐邈讀音先天舌尖收兒

也成禋庚青出鼻入鼻也禋字歸本音與典字

亦真先通轉

維清一章四韻

烈文辟公錫之祉福惠我無疆子孫保之無封靡于

爾邦如字維王其崇之念茲戎功繼序其皇之無兢

維人四方其訓之不顯維德百辟其刑音黃之於乎

前王不忘

公與崇功遙叶東鍾舌中收吳也疆與邦皇刑

忘叶刑依叶音江陽張口收孺也人訓平去為

韻真文平口抵勝也顧炎武曰公疆各自為韻

集傳并為一韻者非或又叶公崇功為光牀炎

三變音亦非

烈文一章十韻

天作高山大王荒之彼作矣文王康之彼徂矣岐有

夷之行音杭子孫保之

荒康行行依古音江陽張口收孺也作與保以

上入遙為韻蕭豪開口收鳴也何言末句無韻

天作一章五韻

通阻漢隸可

韓詩引  
政有夷  
之行  
後漢書  
祖考時



昊天有成命二后受之成王不敢康夙夜基命句宥

**密**句於緝熙單厥心肆其靖之

二命與靖遙叶上去為韻庚青出鼻入鼻也**密**

**熙**平入為韻齊微嘻唇收噫也

昊天有成命一章五韻

我將我**享**維羊維牛隋書引作維天其右之儀式刑

文王之典日靖四方三句韻伊嘏文王既右**響**上聲不叶今本

作享之我其夙夜畏天之威于時保之

享羊方王響平上為韻江陽張口收**孺**也末三

句無韻據隋書宇文愷傳所引維牛維羊句與

予疑無羊篇當作何笠何簔句陸陸堂疑思齊

篇當作斯士譽髦句朱氏疑車攻篇當作弓矢

既調決拾既飲二句同一倒文之誤不必从牛

右為疑以二古音

我將一章十句七句五韻三句無韻

時邁其邦昊天其子之寶右序有周薄言震之莫不

震疊懷柔百神及河喬嶽允王維后明昭有周式序

在位載戢干戈載櫜弓矢我求懿德肆于時夏音戶

允王保音補之

子與位矢德遙叶子矢支思露齒無收也位德



灰回喉口收噫也以上去入通二韻震神平去  
為韻真文平口抵腭也二周與后平去為韻尤  
侯出喉也夏依古音保依叶音呼模喉口也其  
韻皆收嗚

時邁一章十一韻

執競武王無競為烈不顯成康上帝是皇自彼成康  
奄有四方斤斤其明如字鍾鼓嗶嗶如字磬筦將將  
降福穰穰降福簡簡威儀反反既醉既飽福祿求反  
王皇方將穰與二康江陽張口收孺也明嗶庚  
青出鼻入鼻也古讀為芒皇同韻江陽簡與二

反寒山出喉抵舌也

執競一章十二韻

詒

思文后稷克配彼天鐵因反立我烝民莫匪爾極音戶貽我

來牟音牟帝命率育音上無此疆爾界陳常于時夏音戶

稷與極叶齊微嘻唇收噫也天民天依叶音真

文平口抵腭也育依叶音居魚收于也夏依古

音呼模收嗚也以喉口通二韻集傳以育界叶

齊微則末句之韻何歸故顧氏謂貽我來牟四

句無韻

思文一章六韻



清廟之什十篇十章六十九韻

嗟嗟臣工敬爾在公王釐爾成來咨來茹上去聲嗟嗟

係介維莫之春亦又何求如何新畚於皇來牟將受

厥明明昭上帝迄用康年命我衆人庀乃錢鎛奄觀

銓艾音又

工與公叶東鍾舌中收吳也茹與畚叶平上為

韻居魚喂口收于也春與人叶真文平口抵腭

也求與牟叶尤侯出喉收鳴也帝與艾叶齊微

嘻脣收噫也用韻極為錯落

臣工一章十韻

噫嘻成王既昭假爾率時農夫播厥百穀讀若駿發

爾私終三十里亦服爾耕十千維耦如字

爾與私里叶爾私支思露齒無收也里齊微嘻

脣收噫也以平上通二韻張雲錦曰穀讀穀與

耦叶不必改音第古無以穀為穀者惟左傳楚

人謂乳穀為於菟穀與穀同宜讀若穀與耦字

以上去遙韻尤侯出喉收鳴也可省叶音古音

噫嘻一章五韻

振鷺于飛于彼西雝我客戾止亦有斯容在彼無惡

在此無斲音如庶幾夙夜不入韻以永終譽



飛與止叶飛齊微嘻唇收噫也止支思露無收也  
也以平上通二韻離容東鍾舌中收也易也惡敦  
敦依叶音呼模收鳴也響居魚收于也以嘜口  
通二韻夜字不入韻省古音也

振鷺一章七韻

豐年多黍句多稌亦有高廩萬億及秬為酒為醴丞

昇祖妣以洽百禮降福孔皆如字

黍居魚收于也稌呼模收鳴也以嘜口通二韻

一句中兩用韻也秬支思露齒無收也醴妣禮

齊微嘻唇也皆皆來扯口也其收皆噫以平上

通三韻可省皆字叶音

豐年一章七韻

有瞽句有瞽在周之庭設業設虞崇牙樹羽應田縣

鼓鞀磬祝圉既備乃奏不入韻簫管備舉嗶嗶厥聲肅

離和鳴先祖是聽我客戾止永觀厥成

首用瞽庭二韻下分叶之瞽與瞽又半句中之

韻詩中類此雖多而凡有韻與下叶者宜讀之

瞽鼓呼模收鳴也虞羽圍舉居魚收于也以嘜

口通二韻庭聲鳴聽成庚青出鼻入鼻也奏字

不入韻可省古音叶音



有瞽一章十二韻

猗與句漆沮潛有多魚有鱸有鮪如字鯨鱮鯁鯉以

享以祀如字以介景福音偏

與沮魚居魚噉口收于也鮪灰回噉口也鯁福

福依叶音齊微噤唇也其收皆噤祀支思露齒

無收也以上入通三韻

潛一章七韻

有來維離至止肅肅相維辟公天子穆穆於薦廣牡

相予肆祀如字假哉皇考如字綏予孝子如字宜哲

維人文武維后燕及皇天鐵因反克昌厥後綏我眉壽

上去二聲介以繁祉既右烈考見上亦若文母音救

離與公叶東鍾舌中收吳也肅與穆叶呼模噉

口也牡與考叶后與後叶壽又與考叶牡后後

壽尤侯出喉也二者蕭豪開口也三韻皆收嗚

以豪尤通轉可省二考字叶音祀與子叶祉與

母叶祀子祉支思露齒無收也母依古音齊微

噤唇收噤也通為一韻人與天叶天依叶音真

文平口抵腭也古讀后後皆為戶同韻呼模

離一章十六韻

載見辟王日求厥章龍旂陽陽和鈴央央倬革有鶻



休有烈尤率見昭考以孝以享上聲不叶以介介壽永言

保之思皇多祜烈文辟公綏以多福夫補反俾緝熙于

純音古

王章陽央鶻尤享平上為韻江陽張口收孺也

考保蕭豪開口也壽尤侯出喉也通為一韻祜

福嘏福轉上聲呼模嘍口也三韻皆收鳴福字

叶音多為偏今以本字轉上聲未免一字兩變

其音何如烈文辟公三句作一韻讀福字可不

入韻

載見一章十三韻

有客有客亦白其馬音姥有萋有且七序反敦琢其旅

有客宿宿須上聲有客信信言投之繫以繫其馬見上

薄言追之左右綏之既有淫威降福孔夷

二馬依古音呼模收鳴也且旅宿宿依叶音居

魚收于也以嘍口通二韻追綏威灰回嘍口也

夷齊微嘻唇也以收噫通二韻或曰四有客分

句歸韻皆來亦自贊協成音

有客一章九韻

於皇句武王無競維烈允文文王克開厥後嗣武受

之勝殷遏劉耆定爾功音光

毛詩周員補法卷十



於皇為嘆美辭故讀之作半句韻與二王功字  
遙叶功依叶音江陽張口收孺也後受劉平上  
為韻尤侯出喉收鳴也古東陽通轉功字不用  
叶音亦自與皇王相協何言無韻

武一章七韻

臣工之什十篇十章九對三韻

閔予小子遭家不造如字嬖嬖在疚如字於乎皇考如字

永世克孝如字念茲皇祖陟降庭平聲止不叶維予小子

夙夜敬止於乎皇王繼序思不忘

造考孝蕭豪開口也疚尤侯出喉也以收鳴通

上去為一韻可省造考孝三叶音庭敬平去為

韻庚青出鼻入鼻也王忘江陽張口收孺也

閔予小子一章八韻

訪予落止率時昭考於乎悠哉朕未有艾將予就之

繼猶判渙維予小子未堪家多難紹庭上下陟降厥

家休矣皇考以保明其身

二考遙韻蕭豪開口收鳴也哉艾平去為韻皆

來扯口收噫也之子平上為韻支思露齒無收

也渙桓歡吐丸也難寒山出喉也以抵舌通二

韻下家平上為韻家麻張牙直音也古讀為戶



姑韻歸呼模末句無韻古真寒通轉則身字與  
渙難亦可以平去相協

訪落一章十韻

敬之敬之天維顯思如字命不易哉如字無日高高

在上陟降厥士日監在茲如字維予小子不聰敬止

日就月將不入韻學有緝熙于光明如字佛時仔肩示

我顯德行如字

之思士茲子止支思露齒無收也易齊微嘻唇

收噫也以平上去通二韻管人以之思哉三語

助叶不知易乃實字所當韻者可省哉字叶音

明行平去為韻庚青出鼻入鼻也古讀為芒杭

與將字同韻江陽

敬之一章九韻

予其懲而毖後患莫予荇蜂自求辛螫肇允彼桃蟲

拚飛維鳥未堪家多難予又集于蓼

患與難隔叶寒山出喉抵舌也蜂蟲東鍾舌中

收也鳥蓼蕭豪開口收鳴也

小毖一章六韻

載芟載柞其耕澤澤音鐸千耦其耘徂隰徂畛平上聲

侯主侯伯音補侯亞侯旅侯疆侯以有嘏其饁思媚



其婦

音斐

有依其土有略其耜

如字

俶載南畝

滿以反

播厥百穀

不入韻

實函斯活

音血

驛驛其達

如字

有厭

其傑厭厭其苗縣縣其庶載獲濟濟有實其積

去入二聲

萬億及秬

為酒為醴

烝畀祖妣

以洽百禮

同古音

有飫其香

邦家之光

有椒其馨

胡考之寧

匪且有且

音雖

匪今

斯今

音經

振古如茲

柞澤澤依叶音蕭豪開口收鳴也耘畛真文平

口抵腭也伯旅伯依轉音呼模收鳴也旅居魚

收于也以喂口通二韻以婦士耜畝婦畝依古

音竝以字齊微嘻唇收噫也士耜支思露齒無

收也通為一韻活達傑活依叶音竝傑字車遮

半開邊舌也達家麻張牙直音也通為一韻苗

庶再韻蕭豪遙與柞澤平入相叶濟積秬醴妣

禮再韻支齊遙與以婦士耜畝上去相叶香光

江陽張口收孺也馨寧庚青出鼻入鼻也且依

俗音以平協上再韻居魚今依轉音再韻庚青

茲以平協上再韻支思皆分應上文以成先後

迴互錯綜之韻或以為末三句無韻

載芟一章二十九韻

麥芟良耜如字俶載南畝反滿以播厥百穀音古實函

三詩周員通法卷一



斯活不入韻或來瞻女載筐及筥其饒伊黍其笠伊糾

如字其罇斯趙以薈荼蓼荼蓼朽止黍稷茂如字止

穫之控控積之栗栗其崇如墉其比如櫛以開百室

百室盈止婦子寧止殺時特牡有捋其角音祿以似

以續續古之人

**耜與畝**叶耜支思露齒無收也畝依古音齊微

嘻脣收噫也通為一韻穀與女筥黍叶穀依叶

音呼模收鳴也女筥黍居魚收于也以噉口通

二韻穀活與前章隔韻不必以一字兩音病之

**糾與朽茂**叶尤侯出喉也趙與蓼叶蕭豪開口

也以收鳴通上去為一韻控與栗櫛室再叶齊

微與上耜畝以上去遙韻盈與寧叶庚青出鼻

入鼻也肉與續叶肉依古音歸呼模續歸居魚

與上穀女筥黍亦上入遙韻末句無韻或曰人

與盈寧可兩界回互相協不足據

良耜一章十九韻

絲衣其紉載弁俶俶自堂徂基自羊徂牛鼐鼎及鼐

如字兜觥其觶旨酒思柔不誤不敖胡考之休

**紉**俶牛觶柔休尤侯出喉收鳴也基與鼐隔叶

基齊微嘻脣收噫也鼐支思露齒無收也通為



一韻古讀紕爲匹之反俵爲渠之反牛爲疑合韻支齊凡詩章內有韻字一二不能通則以古音叶音通之此章遵集傳爲正不必泥古音韻分兩截

絲衣一章八韻

於鑠王師遵養時晦時純熙矣是用大介我寵受之

躑躑王之造

如字

載用有嗣

去聲不叶

實爲爾公允師

二師與嗣支思露齒無收也晦灰回噉口也熙齊微嘻唇也介皆來捲口也三韻皆收噫以平去通四韻受尤侯出喉也造蕭豪開口也以收

鳴通二韻可省造字叶音或以爲無韻非

酌一章八韻

綏萬邦屢豐年天命匪解桓桓武王保有厥土于以四方克定厥家於昭于天皇以聞音見之

起用邦年兩韻下分應之與有瞽章體局一律何言首三句無韻又言首二句末三句皆無韻邦王方江陽張口收孺也年天間平去爲韻間依叶音先天舌尖收兒也按平聲間字與閑顏同叶先韻則去聲間字亦當叶先韻集傳不用叶音蓋以爲此章無韻



桓一章六韻

文王既勤池繩反止我應受之敷時釋思我徂維求定時周之命於釋思

**勤**依轉音與定命平去為韻庚青出鼻入鼻也  
二釋隔叶齊微嘻唇收噫也顧炎武曰此詩無韻或以止之思為韻然詩無全用語助為韻者其說甚是第敬之敬之天維顯思命不易哉舍易字不韻而連韻之思哉三語助何耶雖非全詩亦無異五十步之笑百步也

賚一章五韻

於皇時周陟其高山墜山喬嶽允猶翕河敷天之下哀時之對時周之命於釋思崔靈思述三家本

殷一章無韻

閔予小子之什十一篇十一章十章百八韻一章無韻

魯頌

駟駟牡馬如字在坰之野如字薄言駟者如字有驕

有皇有驪有黃以車彭彭音旁思無疆斯馬斯臧

**馬**家麻張牙直音也**野**者車遮半開過舌也通

為一韻古讀為姥字渚韻歸魚模**皇**黃彭疆臧



唐石位初刻作牡  
改收

彭依古音江陽張口收孺也

駟駟牧馬在坳之野薄言駟者有騅有駟有駢有駢

以車伾思無期斯馬斯才如字

駟伾灰回嘜口也駟期齊微嘻唇也才皆來捲

口也以收噫通三韻可省才字叶音

駟駟牧馬在坳之野薄言駟者有驪有駟有騅

以車繹思無斃如字斯馬斯作

駟維與作隔叶蕭豪開口收鳴也繹斃韻齊微

分兩韻可省繹斃二叶音

駟駟牧馬在坳之野薄言駟者有駟有駟如字有驪

有魚以車祛祛思無邪如字斯馬斯徂

駟與邪隔叶駟韻家麻邪韻車遮通為一韻魚

祛居魚收于也徂呼模收鳴也以嘜口通二韻

古讀駟邪為胡徐同韻魚模

駟四章三十二韻

有駟有駟彼乘黃夙夜在公在公明明音芒振振

鷺鷥于下音戶鼓咽咽醉言舞于胥樂兮

黃明明依古音江陽張口收孺也鷺下舞上去

為韻下依古音呼模嘜口收鳴也樂合下二章

兩樂字三疊成韻蕭豪開口收鳴也亦麟趾之



格也

有駮有駮駮彼乘**牡**莫九反夙夜在公在公飲**酒**振振

鷺鷥于**飛**鼓咽咽醉言歸于胥樂兮

**牡**酒尤侯出喉收鳴也**飛**齊微嘻唇也**歸**灰回

噉口也以收噉通二韻**牡**字讀牛上聲入尤侯

讀若姥入呼模廣韻周韻祇歸魚韻黃公紹補

收二十五有

有駮有駮駮彼乘**駟**平上二聲夙夜在公在公載燕自今

以始歲其有音以君子有穀詒孫子于胥樂兮

**駟**燕先天舌尖收兒也**始**子支思露齒無收也

泮水出曲字

**有**依古音韻齊微通為一韻

有駮三章十七韻

思樂泮水薄采其芹魯侯戾**止**言觀其旂音芹其旂

棧棧鸞聲噦噦無小無大從公于**邁**

**水**與**止**叶水灰回噉口收噉也**止**支思露齒無

收也通為一韻**芹**旂旂依古音真文平口抵腭

也**棧**噦大邁皆來捲口收噉也

思樂泮水薄采其藻魯侯戾**止**其馬躑躑上入其馬

躑躑其音昭昭平聲不叶載色載笑匪怒伊**教**

**藻**與**二**躑昭笑教平上去為韻蕭豪開口收鳴



也與二韻通矣平上七去欲聲韻開口如也

思樂泮水薄采其菲如字魯侯戾止在泮飲酒既飲

旨酒永錫難老如字順彼長道如字屈此羣醜其

菲與老道韻蕭豪二酒與醜尤侯出喉也其收

皆鳴韻可分合省去菲老道三叶音

穆穆魯侯敬明其德敬慎威儀維民之則允文允武

昭格烈祖靡有不孝自求伊祐

德則韻灰回儀齊微嘻唇也以收噫通平入為

一韻武祖祐呼模嘜口收鳴也

明明魯侯克明其德既作泮宮淮夷攸服蒲北反矯矯

虎臣在泮獻馘音國淑問如皋陶如字在泮獻囚

德服馘服馘依古音韻灰回陶韻蕭豪囚韻尤

侯以收鳴通二韻可省陶字叶音

濟濟多士克廣德心桓桓于征狄彼東南如字烝烝

皇皇不吳不揚不告于訥在泮獻功

心侵尋出口真文也南監咸出喉寒山也以閉

口通二韻可省南字叶音皇揚江陽張口收孺

也訥功東鍾舌中收吳也

角弓其繇束矢其揆戎車孔博徒御無斃如字既克

淮夷孔淑不逆如字式固爾猶淮夷卒獲音鑊



蘇按與猶遙韻尤侯博遙與獲叶獲依叶音韻  
 蕭豪戮夷逆以平入韻齊微可省戮逆二叶音  
 翩彼飛鵠集于泮林食我桑黷懷我好音憬彼淮夷  
 來獻其琰元龜象齒大賂南金

林黷音琰金以平上韻侵尋

泮水八章五十四韻

闕宮有佺實實枚枚赫赫姜嫄其德不回上帝是依

如字無災無害彌月不遲如字是生后稷降之百福

如字黍稷重穋稗荻麥如字奄有下國如字俾民

稼穡有稷有黍有稻有秬奄有下土纘禹之緒

枚回與國遙叶平入為韻灰回嘜口也依與遲

稷叶平入為韻齊微嘻唇也害與麥穡遙叶去

入為韻皆來摻口也其收皆噫韻可分合省去

依遲麥國四叶音福穆與黍秬土緒隔叶福土

呼模收鳴也穆黍秬緒居魚收于也以嘜口通

上入為一韻可省福字叶音

后稷之孫實維大王居岐之陽實始翦商至于文武

纘大王之緒致天之届于牧之野音字無貳無虞上

帝臨女敦商之旅克咸厥功不入王曰叔父建爾元

子不入俾侯于魯大啟爾宇為周室輔



王陽商江陽張口收也武父魯輔韻呼模緒  
野虞女旅字野依古音韻居魚以平上通二韻  
功子二字不入韻省叶音也

乃命魯公俾侯于東錫之山川土田附庸周公之孫

莊公之子如字龍旂承祀如字六轡耳耳春秋匪解

如字享祀不忒皇皇后帝皇祖后稷享以騂犧如字

是饗是宜如字降福既多不入韻周公皇祖亦其福女

公東庸東鍾舌中收吳也子祀耳支思露齒無

收也解韻皆來忒韻灰回帝稷犧宜韻齊微其

收皆噫以平去入通三韻祖韻呼模女韻居魚

通為一韻古讀犧宜為呵俄與多字韻歌戈

秋而載嘗夏而福衡如字白牡騂剛犧尊將將毛魚

載羹如字籩豆大房萬舞洋洋孝孫有慶音羌俾爾

熾爾昌俾爾壽而臧保彼東方魯邦是常不虧不崩

不震不騰三壽作朋如岡如陵

嘗與剛將叶又與房洋慶昌臧方常叶慶依古

音韻江陽衡與羹叶又與崩騰朋陵叶庚青出

鼻入鼻也首二句用嘗衡兩韻下文錯綜應之

不必泥古音衡為杭羹為岡歸陽韻分為上下

截既不板滯猶存衡羹二本音



公車千乘去聲不叶朱英綠騰二矛重弓音肱公徒三萬

貝冑朱綬不入韻烝徒增增戎狄是膺荆舒是懲則莫

我敢承俾爾昌而熾俾爾壽而富方二反黃髮台背如

字壽胥與試俾爾昌而大如字俾爾耆而艾如字萬

有千歲矧壽無有害如字

乘騰弓增膺懲承平去為韻弓依古音韻庚青

熾富試富依古音韻支思背歲韻灰回大艾害

韻皆來通三韻為一韻可省諸字叶音公徒三

萬至烝徒增增作三句一韻則綬字可不入韻

既省叶音又免庚侵牽合

泰山巖巖如字魯邦所詹瞻同奄有龜蒙遂荒大東

至于海邦音洪淮夷來同莫不率從魯侯之功

巖監咸出喉寒山也詹廉纖舌尖先天也以閉

口通二韻可省巖字叶音蒙東邦同從功邦依

古音韻東鍾

保有鳧繹如字逖荒徐宅如字至于海邦見上淮夷

蠻貊如字及彼南夷莫不率從莫敢不諾魯侯是若

繹與夷以平入遙韻齊微宅貊韻皆來二韻可

分可合省去繹宅貊三叶音邦從韻東鍾諾若

蕭豪開口收鳴也



天錫公純嘏音古 眉壽保魯居常與許復周公之字

魯侯燕喜令妻壽母如字 宜大夫庶士邦國是有如

字既多受祉黃髮兒齒

**嘏**魯嘏依古音韻呼模許字韻居魚通為一韻

**喜**與**士**叶**祉**與**齒**叶喜韻齊微士祉齒韻支思

通為一韻母有尤侯出喉收鳴也古讀為枚以

同韻齊微

徂來之松新甫之柏通莫反 是斷是度是尋是尺如字

松栢有易如字 路寢孔碩如字 新廟奕奕如字 奚斯

所作孔曼且碩見上 萬民是若

實好取魯  
作詩也  
左倍也

**柏**與**度**叶**作**與**若**叶柏依叶音以首尾同韻蕭

豪尺易奕與二碩韻齊微可省諸字叶音不煩

改音柏尺易碩奕作若為補杵胥蝮余租如七

入聲就一度字

闕宮九章百七韻

魯頌四篇二十四章二百十一韻

商頌 郊祀記臣商字不也

**猗**與**句**那與置我鞀鼓奏鼓簡簡衍我烈祖湯孫奏

假綏我思成鞀鼓淵淵不入韻 嘒嘒管聲既和且平依

我馨馨於赫湯孫不入韻 穆穆厥聲庸鼓有數萬舞有

正致父孔也  
先也作商頌  
後序也引



奕我有嘉客亦不夷懼自古在管先民有作溫恭朝  
夕執事有恪顧予烝嘗湯孫之將

二與與鼓祖叶平上為韻與居魚收于也鼓祖  
呼模收鳴也以嘜口通二韻成平與三聲叶庚  
青出鼻入鼻也斲與奕懼叶管與夕叶齊微嘻  
脣收噫也作與恪叶蕭豪開口收鳴也嘗將江  
陽張口收孺也客字可韻不韻淵孫二字不入  
韻省叶音也且於巾思倫二反皆真韻字以真  
叶庚斷難通轉或以猗音阿與那協韻歌戈為  
半句韻

楊子法云公

改甫嘗啼

尹志甫矣音

李執注志甫

作周故正致公

公春之而作商

頌則商故七

滿中國及所

於宋時其致

全出字人亦

初又武出矣

那一章十八韻

嗟嗟烈祖有秩斯祐申錫無疆及爾斯所既載清酌

賚我思成如字亦有和羹如字既戒既平如字醴假

無言不入韻時靡有爭如字綏我眉壽黃耆無疆不入韻

約軼鎔衡如字八鸞鶉鶉以假以享上聲不叶我受命溥

將自天降康豐年穰穰來假來饗上聲不叶降福無疆顧

予烝嘗湯孫之將

祖祐所酌呼模嘜口收鳴也成羹平爭衡庚青

出鼻入鼻也鶉享康穰疆嘗與二將平上為韻

江陽張口收孺也分庚陽兩韻可省諸字叶音



綏我眉壽至約軹鎔衡作三句一韻不必泥衡  
字古音此就詩韻分不以文義拘求

烈祖一章十八韻

天命元身降而生商宅殷土𠄎𠄎古帝命武湯正域

彼四方方命厥后奄有九有如字商之先后受命不

始如字在武丁孫子如字武丁孫子武王靡不勝龍

旂十乘大禧是承邦畿千里維民所止肇域彼四海

如字四海來假來假𠄎𠄎俗本作𠄎景員維河殷受命咸

宜如字百祿是何音荷上聲不叶

商𠄎湯方江陽張口收𠄎也二后與有叶尤侯

出喉收鳴也始與海遙叶皆來捲口也二子遙

隔與里止叶𠄎與宜叶里𠄎宜齊微嘻唇也其

收皆噫子止支思露齒無收也以平上通三韻

可省始海二叶音勝乘承庚青出鼻入鼻也河

何平上為韻歌戈嘍口收窩也古讀后為戶則

二后字自韻呼模有為以與始子韻支齊皆宜

為俄與河何韻歌戈

元身一章二十韻

濬哲維商長發其祥洪水𠄎禹敷下土方外大國

是疆幅員一作既長有城方將帝立子生商

友祖祖通言  
百切

馬師云字為殷  
後郊句天口契  
死



二商與祥方疆長將江陽張口收禮也

元王桓撥不入韻受小國是達如字受大國是達率履

不越遂視既發如字相土烈烈海外有截截古字

二達與發家麻張牙直音也越烈截車遮半開

遏舌也其韻可分可合撥字不入韻省叶音也

帝命不違至于湯齊湯降不遲醒敬日躋昭假遲遲

上帝是祗帝命式于九圍

違圍灰回噉口也齊躋與二遲齊微嘻脣也其

收皆噫祗支思露齒無收也通為一韻

受小球大球為下國綴旒何天之依不兢不絨不剛

不柔敷政優優百祿是邇

球旒休絨柔優邇尤侯出喉收鳴也

受小其大其平聲為下國駿厖音蒙何天之龍讀作寵

敷奏其勇不震不動上聲不難不竦百祿是總

其厖龍勇動竦總平上為韻厖依古音龍依鄭

讀東鍾活中收吳也也可讀龍字平聲

武王載旒說文引有虔秉鉞如火烈烈則莫我敢曷

阿竭反苞有三葉如字莫遂莫達如字九有有截韋願

既伐如字昆吾夏桀

旒作坡與達伐遙韻家麻鉞烈曷彘截桀曷依

桀生也



叶音韻車遮其韻可分可合省去諸字叶音史  
記蔡澤傳曷鼻巨肩註曷鼻謂鼻如蝎蟲也是  
曷有蝎音故集傳叶阿竭反

晉在中葉有震且業允也天子如字降子俗本作卿

王實維阿衡音杭實左右商王

葉業韻車遮子士韻支思衡王衡依古音韻江

陽

長發七章五十韻

撻彼殷武奮伐荆楚罍入其阻哀荆之旅有截其所

湯孫之緒

其之稱不在殷時  
名後之役宗桓与  
焉係公時惟日也

武楚阻所呼模收鳴也魚緒居魚收于也以嘜

口通二韻

維女荆楚居國南鄉晉有成湯自彼氏羌莫敢不來

享上聲莫敢不來王曰商是常

鄉湯羌享王常平上為韻江陽張口收孺也

天命多辟設都于禹之績歲事來辟勿予禍適謫通

稼穡匪解如字

二辟與績齊微嘻脣也適解去入為韻皆來捲

口也其收皆噫韻可分合或讀適如字反贅一

解字叶音



天命降監不入韻下民有嚴不入韻不僭不濫不入韻不敢怠遑不入韻

命于下國如字封建厥福音偏

監濫監咸閉口寒山也國灰回撮口也福依古

音韻齊微以收噫通二韻集傳叶嚴為五剛反

與遑韻非或又附會嚴當作莊擅改經字亦非

嚴歸廉纖與監濫皆閉口韻自通轉第嚴遑二

字可以不韻

商邑翼翼四方之極赫赫厥聲濯濯厥靈壽考且寧

以保我後生如字

翼極韻齊微聲靈寧生庚青出鼻入鼻也

陟彼景山如字松柏丸丸如字是斷是遷方斲是虔

松楸有榧如字旅楹有閑如字寢成孔安如字

山與丸叶閑與安叶山閑安寒山出喉也丸桓

歡吐丸也以抵舌通二韻遷虔榧先天舌尖收

兒也集傳泥一先韻致多叶音

殷武六章三十四韻

商頌五篇十六章百四十韻

宋襄公去左  
即合文送引







